


# Rosap aqqalua innarlutegarpooq

Oqaluttaliortoq  
Anette Hvid Thomsen







Ullaajuvoq. Rosakut Iviullu angerlarsimaffianni,  
arfininngornikkut ullaannguakkt  
ilorrisimaartoqartarpoq. Anaana  
ullaakkorsiusiorsimavoq iggavimmilu issiarusaarluni,  
Rosallu ornippaa.

"Rosa, immussualerlugu iffiartussavit", anaana aperaaq.

"Aap, aamma tiimik, sukkulerlugu", Rosa akivoq.

"Nittaappoq", anaana oqarpoq Rosalu  
isinnguaarfigalugu.

Nalunngilaami Rosap apuseraluni nuannareqigaa.

"Ataata akkaalu ullaaralaaq pinialukkiarlutik aallarput",  
anaana oqarpoq. "Qimmikasiit pissamaaqaat".



Inuit ilaat pisussinnaangillat, kaassuartakkanilu  
issiaannartuullutik. Taakku silaannarissarnissamut  
ikiorneqartariaqalersinnaasarput. Allat  
tusaaniarnermikkut ajornartorsiuteqarput  
tusartaateqartariaqarlutillu. Ilaat tusilavissuusarput  
tusaasaqaratillu. Taakku oqaatsinik  
tusaasaqarsinnaangimmata ussersorluni  
oqaluuttariaqarput.

“Aammali ersinngitsumik innarluuteqartoqarsinnaavoq”,  
Inge oqarpoq, Ole Peterlu qiviarlugu. Ole Peter ullumi  
aliasulaarpasippoq.

“Inuit ersinngitsumik innarluutillit qallikkut allatulli  
isikkoqarput, ilorlikkulli erloqissuteqarlutik.  
Taakku pisariaqartittarpaat susoqarnissaa  
ilisimaqqissaassallugu, allanngortoqaraangallu  
annilaangalersarput paatsiveerullutillu”, Inge oqarpoq.  
“Qallikkut tamatta assigiinngilagut, ilorlikkulli tamatta  
misigissutsit assigiit pigaagut”, Inge nangippoq.

“Qanoq tassa?” Aviaja aperaaq.

“Tamatta inuttut assigiimmik naleqarpugut. Tamatta  
ikinngummik ikiuisinnaasumik pisariaqartitsivugut.  
Tamatta asaneqarnissamik paarineqarnissamillu  
pisariaqartitsivugut. Aamma tamatta  
pisariaqartipparput, pikkoriffitta isiginiarneqarnissaat.  
Tamattami qinngasaarneqaraangatta  
illaruaatigineqaraangattalu aliasulertarpugut.”

Ingep meeqqat isigai qungujuffigalugillu.

Nuunup Rosa mianersortunnguamik qiviarpaa  
qungujuffigalugulu, Rosallu akillugu qungujuppaa.



Iviup iggavimmut appakaatiutigaluni isini tagiartorpai.  
Nujai sumut tamaanga tikkorput, ilungersorlunilu  
issiavimmut ingippoq.

"Asasa, sinilluarpit", anaanap aperaa.

"Aap, sinnattorlunga qimussimik unammisuni  
peqataallunga". "Ajugaavunga", Ivik oqarpoq. Isai  
nuannaarnerup pianik qinngorneqarput. Anaana  
qungujuppoq, nujaalu tagiartulerlugit.

Ivik Rosalu immussualinnik iffiartorput, sapaatillu  
akunnerata tulliani qimussinik sukkaniunnissat  
eqqartorlugit.

"Rosa, suaasanik kuuloruujunillu pisiniussinnaavinga?  
Suaasaliussamaarama", anaana oqarpoq.

"Ilaaniarpunga", Ivik oqarpoq, issiavimmiit aqqarluni,  
kigutigissariarlunilu.

Ivik meeqqatut allatulli pisunneq ajorpoq. Tusiappormi, allatullu pisuttariaaseqarluni. Niuata illua, aappaaniit naannerulaarpoq. Tamanna pillugu napparsimavimmi pilatsittaqattaarnikuvoq. Siorna anaananilu sivisuumik Danmarkimiipput, Ivik Rigshospitalimi pilatsimmat. Taamani Rosap maqaasisimaqaa. "Ilaasinnaava", anaana aperaaq. "Okay", Rosa oqarpoq, "kisianni ingerlangajalerpugut, Ivik, tuavi!"





Ivik Rosalu illoqarfiup tungaanut ingerlapput. Ivik apummi pisunneq sapingajappoq, quatsersimavormi. Blokkit eqqaanni aja Else naapippaat. Ajammiuna anaana eqqiaassamaartooq ikioriartuleraa. Ajap apartorlugillu kuniorpai. Aja qaqorsaassunnialaartarpoq. Ingerlaqqilerami mamakujuttusiutissaannik tunivai. "Takuss", aja illup tungujortup qattorngup qaaniittup eqqaanut pigami suaarpoq. Ivik Rosalu aalateriffigai. Ajamiuna tassa pitsaasoq.





Aviaja Nuunulu, Rosap atuaqatai, pisiniarfiup  
eqqaaniipput.

“Aluu”, niviarsiaqqat Rosakut Ivillu takugamikkitt  
oqarput. Iviup niviarsiaqqat takullugit  
nuannaajallannermik imminut naallerluni orluvoq,  
apummut nilleqisumut tulluni.

Aviajakkut Nuunulu imminnut qiviarput illalerlutillu.  
Rosa kangutsippoq. “Ivikasik, soormiuna aamma  
ilaajumasooq”, eqqarsarpoq. Ivik nikuinniarsarisoq isigaa.  
“Soormiuna allat qatanngutaattut inngitsoq”,  
eqqarsarpoq.

“Aviajap ania arsallaqqippoq Nuunullu angajua



illoqarfitsinni sisorallaqqinnersaavoq. Ivikasilli  
orlullaqqippoq!  
Ivik nikuippoq. Qulliliorpoq. Tallini aputaajarpaa.  
Rosalu kamalerpoq. "Ivik illaatiginagu!  
Innarluuteqarpoq, tamannalu nammineq  
pisuussutiginnigilaa!"  
"Illaatigineqaraangama aliasulertarpunga," Ivik  
nipikitsuliorpoq.  
Aviajakkut Nuunulu sikingallutik oqaaseqanngillat.  
"Utoqqatserpunga", Aviaja oqarpoq.  
"Ivik, qaaniarit", Rosa oqarpoq, Ivillu tasissiullugu.  
"Anaana pisiniuttussaavarput"

Ataasinngornermi Rosap ilinniartitsisua Inge klassemut iserpoq.

“Nalunngisassitut ullumi immikkut sammisaqartussaavugut, inuit tamatta assigiinngitsuunerput sammissallugu. Inuit ilaat allanut naleqqiullutik allatut pissusilersortarput, aamma ilaatigut allatut isikkoqartarput. Ullumi qanoq immitsinnut ikiorlutalu tapersersoqatigiissinnaanerput eqqartussavarput.”

Ingep atuaqatigiit eqqarsaatissippai, allatulaaq pissusilersortartunik nalunngisaqarnersut.

“Aanaga utoqqaat illuanni najugaqarpoq. Qanorlu ateqarnersunga eqqaamanngisaannarpaa”, Andala oqarpoq. “Uffa kuisikkama ilaalluni paggatsitsillunilu.

Nalunngikkaluarpaa Andalamik ateqartunga, ilaanniuna puiguinnartaraa. Ilaanni Kristiaammik taasoortarpaanga, uffa ataataga taama atilik”

Andala qungujulalluni ileqimisaartorpoq. Meeqqat tusarnaqqissaarput. Ilaat ilisarserpasillutik anngaapput. Taakkumi aamma inunnik allatulaaq pissusilersortartunik nalunngisaqarput.

“Aanavit uummammini nalunngilaa kinaasutit”, Inge oqarpoq sakissanilu attorlugu.

“Aqqaluara innarluuteqarpoq”, Rosa oqarpoq. “Niuata illua ajoquteqarpoq, taamaammat orlullattaasarpoq. Nammineq pisuussutiginnngisaminik”. Rosa sikingavoq. Qiangajaavippoq. Ingep ornippaa assanilu tuianut tutsillugu.

“Nalunngilisiuk innarluuteqarneq qanoq



isumaqarnerseq”, Ingep meeqqat aperai. Meeqqat nipaarutiivipput.

Ataasiakkaat anngaapput.

Inge oqaluttuarpoq inuit tamarmik assigiinngitsuullutik inunngorsimasut. Ilaat innarluuteqarput, taakkulu immikkut ikorfartorneqarlutillu ikiorneqartariaqartarput. Inuilli ilaat inuunerminni kingusissukkut aatsaat innarluuteqalersinnaasarput, nappaateqarsimagunik imaluunniit ajoqusersimagunik.

“Innarluutimmi assigiinngiiaaqaat”, Inge oqarpoq, meeqqallu isigilerlugit.

Ilaat isigiarsupput isaruaqartariaqarlutillu. Allat tappiitsuupput takusaqarsinnaanatik. Ilaasa talii aalasinnaangillat. Inuit ilaat noqartarput uppittarlutillu.

Nunami nalanerminni qilusoorsinnaasarput, taakkuli ersigisariaqangillat. Qilusoornrammi nammineq unittarpoq.



Aliasuppallaarunnaarpoq. Misigissutsit artornartut  
oqaluuseralugit iluaallannaqaaq.

Taavali Aviaja oqariisaarpoq: "Angaaqarpunga  
Kunuutimik atilimmik. Ima innarluuteqartigaaq  
imminulluunniit ikiorsinnaanani. Danmarkimi  
innarluutillit allat peqatigalugit najugaqatigiiffimmi  
najugaqarpoq, tassanilu najugallit ullut tamaasa  
ikiorneqartariaqartarput. Oqalussinnaanngilaq  
namminerluunniit atisalersorsinnaanani.

Aasakkut nunatsinnut ilaqttani tikeraartarpai.  
Ikiortilerluni tikeraartarpoq. Kaffisoriartorneq  
nuannarisaqaa, aamma mattanngersupilussuuvoq."  
Aviaaja oqaluttuarnermi nuannaarpasillunilu  
tulluusimaarpasippoq.

Nukappiaqqat ilaat illarput. Aasarmi manna  
Kunuuti tikeraartooq takusimavaat.

Eqqumiitsumik pisuttarpoq,  
niaqqunilu eqqumiitsumik  
orfaatittarlugu.



Pisukkaangami niaqquni sikingatittarpaa, ilaannilu uneriarluni nuna tukkartarlugu. Taamaaliortarnera tissinarsinnaasarpog eqqumiiginarsinnaallunilu. Inge oqarpoq: "Allat illaatigisassanngilagut. Qanorluunniit isikkoqaralarutta ajunngilagut. Tamatta. Tassa qanoq issuserput - qanoq issuseraarput". Pingaaruteqarpoq inuit allat ataqqinnittumik pissusilersorfiginissaat. Aviajap nukappiaqqat illartut saappai oqarlunilu: "Nuannaartaqaagut angaa Kunuutip tikeraaraangatigut. Ilaqutarpummiuna. Anaanap maqaasisaqaa, ilaannilu eqqartuleraangamiuk qiasarpoq." Nukappiaqqat utoqqatserusuppasissutut isikkoqarput. Inge oqarpoq, ilaanni taama piniarnata oqartoortartugut iliuuseqartoortarlutaluunniit, inuit allat aliasuutigisinnaasaannik. Kisiannili utoqqatseraanni ikioqatigiillunilu, suna tamarmi aaqqeqqittartoq.



Unnuit ilaanni Ivikkut Rosalu titartaarujoorput.  
Anaanap naneruutit igalaap saanniittut ikippai. Sila  
taaraangat naneruutit ikumasut pinnertaqaat.  
Iviup qimusserluni unammersuarneq takorloorlugu  
titartarpaa. Qamuterpassuit qimmerpassuillu.  
Meeqqat inersimasullu isiginnaartut qalipaaticissunillu  
atikkersorsimasut aamma takussaapput. Angutit qamut  
kivissimavaat, qaani nukappiaraq talini quligalugit  
issiavoq. Tassamiuna Ivik titartaallaqqissoq, misigisani  
takusanilu titartaqqissaartarpai.  
“Una nukappiaraq qamutini issiasoq, tassa uanga.  
Unammersuarnermi ajugaagama”, Ivik oqarpoq  
illariarlunilu. Tanngassimaarpaseqaaq. Nukappiaraq  
qamutit qaanni issiasoq tikkuarpaa.  
Rosa illarpoq. “Immaqami taava sungiusalereeruit.  
Ataata akkaluunniit sikumut aallaqqilerpata  
ilaajumaniarina”.  
“Aaaap,” Ivik oqarpoq, tallinilu Rosamut isaallugit.  
Rosa nikuippoq Ivillu nujaatigut kuniuutigalugu  
eqitaarujussuarlugu. Aqqaluani asaqaa, qanorluunniit  
ikkaluarpat. Aamma paariuassavaa.





# Takuss



Rosap aqqalua innarluuteqarpoq  
Oqaluttualiortoq Anette Hvid Thomsen

Nutserisoq: Aminnguaq Dahl Petrussen

Ilusilersuisoq : Ivalu Risager  
Grafik-imik ilioraasoq: Anne-Lise Jacobsen  
Saqqummiisoq: Tilioq

Siullermik saqqummersitaq, 1.naqinneqarfia 2020  
Naqiterivik: Livonia Print, Letland

ISBN: 978-87-970915-1-7

Saqqummiussaq uannga taperneqarpoq Ilinniartitaanermut,  
Kultureqarnermut Ilageeqarnermullu Naalakkersuisoqarfik

NAALAKKERSUISUT  
GOVERNMENT OF GREENLAND

